

ACTA DA SESIÓN ORDINARIA DA COMISIÓN INFORMATIVA DE TURISMO, ACCIÓN
COMUNITARIA, IMPULSO RURAL E MEDIO AMBIENTE DO DÍA 17.04.2026

ASISTENTES

PRESIDENTE: D. Javier Tourís Romero

VOGAIS: D. Roberto José Álvarez Carrero, en substitución de D^a. Luisa
María Sánchez Méndez

D. Rafael Domínguez Artime

D. Ricardo Martínez Chantada

D. Jesús Vázquez Almuíña

D^a. María Pilar Ramallo Vázquez

D. Manuel Alejandro Lorenzo Alonso

D. Juan Pablo Castillo Amigo

D^a. Digna Rosa Rivas Gómez

D. Javier Iglesias Mougán

D. Paco Ferreira González

D. Gregorio Luis Agís Gómez

D^a. Nuria Rodríguez Rodríguez

D. Gorka Gómez Díaz

D^a. Beatriz Lomba Rodríguez

D^a. María Manuela Rodríguez Pumar

Sendo as doce horas e dez minutos do día dezasete de abril do ano dous mil vinte e seis, reúnense no Pazo Provincial os/as Sres./as. Deputados/as arriba relacionados, en sesión ordinaria, e baixo a presidencia de D. Javier Tourís Romero. Actúa como secretaria a xefa do Servizo de Medio Ambiente D^a. Concepción López Paz.

Aberta a sesión polo presidente, pásase ao estudo dos asuntos incluídos na orde do día, sobre os que recaeron os seguintes ditames:



1. Aprobación da acta da sesión anterior (Expediente 2026018926)

Apróbase a acta da sesión anterior (CSV: R393BBLMM0YIXBLI), correspondente á sesión ordinaria celebrada o vinte de marzo do ano dous mil vinte e seis co voto favorable de todos os membros da Comisión.

2. Dar conta da publicación das bases para a concesión de subvencións ás confrarías de pescadoras e pescadores, federación de confrarías e agrupacións de mariscadoras da provincia de Pontevedra para investimentos e gastos correntes durante o exercicio de 2026 (Expediente 2026006026)

“ASUNTO: DAR CONTA DA PUBLICACIÓN DAS BASES PARA A CONCESIÓN DE SUBVENCÍONS ÁS CONFRARÍAS DE PESCADORAS E PESCADORES, FEDERACIÓN DE CONFRARÍAS E AGRUPACIÓNS DE MARISCADORAS DA PROVINCIA DE PONTEVEDRA PARA INVESTIMENTOS E GASTOS CORRENTES DURANTE O EXERCICIO DE 2026 (EXPEDIENTE 2026006026)

O pasado 27.03.2026, a través do acordo número 5.36296, a Xunta de Goberno da Deputación de Pontevedra aprobou as Bases para a concesión de subvencións ás confrarías de pescadoras e pescadores, Federación de Confrarías e agrupacións de mariscadoras da provincia de Pontevedra para investimentos e gastos correntes durante o exercicio de 2026, publicadas no Boletín Oficial da Provincia de Pontevedra (BOPPO) número 62 o 01.04.2026, cuxo período de presentación de solicitudes remata o 04.05.2026, segundo o texto que di o seguinte:

“BASES PARA A CONCESIÓN DE SUBVENCÍONS ÁS CONFRARÍAS DE PESCADORAS E PESCADORES, FEDERACIÓN DE CONFRARÍAS E AGRUPACIÓNS DE MARISCADORAS DA PROVINCIA DE PONTEVEDRA PARA INVESTIMENTOS E GASTOS CORRENTES DURANTE O EXERCICIO DE 2026

As confrarías de pescadoras e pescadores e agrupacións de mariscadoras son organizacións que agrupan pescadores de pequena escala e mariscadoras de Galicia. O seu papel dentro do sector pesqueiro outórgalles competencias na xestión e na explotación de recursos mariños, actividades que realizan de modo colectivo. Esta posición permite que as confrarías



teñan influencia en diferentes aspectos do desenvolvemento sostible, principalmente a nivel local.

Este tipo de organizacións, cunha longa tradición en Galicia e especialmente na provincia de Pontevedra, son recoñecidas como entidades de economía social, segundo o previsto no artigo 6 da Lei 6/2016, de 4 de maio, de economía social de Galicia.

Así, as devanditas confrarías e agrupacións xogan un papel importante na xestión e na explotación dos recursos mariños e, polo tanto, inflúen nalgúns aspectos identificados na Axenda 2030 para o Desenvolvemento Sostible, coma a protección dos recursos e a equidade na repartición de ingresos e o acceso a bens comúns.

Respecto á súa distribución xeográfica, apréciase unha clara concentración da actividade do sector pesqueiro en rexións costeiras. Especial relevancia ten a provincia de Pontevedra en Galicia, onde se sitúan dúas de cada tres empresas do sector do procesamento de peixes, crustáceos e moluscos, ou máis do 40 % de empresas comercializadoras de produtos pesqueiros, o que demostra o alto grao de especialización deste nivel territorial.

A Deputación de Pontevedra é consciente da importancia das confrarías de pescadoras e pescadores da provincia, que, xunto coa súa federación provincial e coas agrupacións de mariscadoras, contribúen a desenvolver accións de promoción e a fomentar un sector de vital importancia na provincia, o da pesca e do marisqueo. Por iso, dálle continuidade á liña de subvencións para investimentos dos últimos anos.

O 2024 foi o peor en moitos anos do sector marisqueiro e da frota de baixura na provincia, o peche dos bancos marisqueiros durou case un ano; foron longos meses sen actividade por mor dos temporais e a imparable mortalidade de ameixa e doutras especies. Aínda non recuperado o sector desta situación, os efectos das últimas borrascas entre os meses de novembro de 2025 e febreiro de 2026 deixan un panorama crítico, cunha mortalidade entre o 80 e o 100 %, dependendo da zona.

Debido a esta situación, provocada pola excepcionalidade de 2024 e 2025, a liña adicional de gastos correntes mantense este ano, destinada a garantir a sostibilidade das actividades pesqueira e marisqueira da provincia afectadas polos sucesivos temporais do inverno. Así, seguiranse mantendo as dúas liñas nesta convocatoria.

Desde o punto de vista competencial, de conformidade co establecido no artigo 36.1.d da Lei 7/1985, de 2 de abril, reguladora das bases do réxime local, é competencia propia da Deputación a cooperación no fomento do desenvolvemento económico e social e na planificación no territorio provincial, de acordo coas competencias das demais administracións públicas neste ámbito.



Así mesmo, no artigo 109.d da Lei 5/1997, de 22 de xullo, de Administración local de Galicia, establécese que serán competencias propias das deputacións provinciais as que baixo este concepto lles atribúan as leis e, en calquera caso e entre outras, o fomento e a administración dos intereses peculiares da provincia.

Con estes antecedentes, a Deputación de Pontevedra convoca esta liña de subvencións públicas, en réxime de concorrencia competitiva, para a concesión de axudas ás confrarías de pescadoras e pescadores, á Federación de Confrarías e ás agrupacións de mariscadoras da provincia de Pontevedra para financiar investimentos e gastos correntes que melloren as actividades pesqueira e marisqueira durante este ano 2026.

Estas subvencións rexeranse igualmente polo disposto na Lei 38/2003, de 17 de novembro, xeral de subvencións (LXS), na Ordenanza xeral de subvencións da Deputación de Pontevedra, publicada no Boletín Oficial da Provincia de Pontevedra (BOPPO) núm. 249 do 30 de decembro de 2016, e na Lei 39/2015, de 1 de outubro, do procedemento administrativo común das administracións públicas (LPACAP), de acordo coas seguintes

BASES

Primeira. Obxecto

Constitúe o obxecto destas bases definir o conxunto de condicións e o proceso que se seguirá para a concesión de subvencións ás confrarías de pescadoras e pescadores, á Federación de Confrarías e ás agrupacións de mariscadoras da provincia de Pontevedra que outorgue a Deputación para financiar investimentos e gastos correntes referidos a actividades propias da entidade, correspondentes coas liñas e cos conceptos detallados na base cuarta, segundo os principios de obxectividade e concorrencia competitiva.

Segunda. Financiamento

Estas axudas contan cun crédito total de trescentos cincuenta mil euros (350.000 €) e distribúense en dúas aplicacións orzamentarias:

<i>Programa</i>	<i>Aplicación</i>	<i>Importe</i>
<i>Investimentos</i>	<i>26/410.4150.789.02</i>	<i>100.000 €</i>
<i>Gastos correntes</i>	<i>26/410.4150.489.01</i>	<i>250.000 €</i>

A porcentaxe máxima subvencionable será do 80 % do orzamento, sen prexuízo de que estas axudas sexan compatibles con outras recibidas doutros organismos, sempre que a súa concorrencia non supere o custo total do investimento.

Limitacións:



- *Importe do orzamento de gastos: máximo de corenta mil euros (40.000 €).*
- *Importe da subvención: mínimo de seiscientos euros (600 €) e máximo de vinte mil euros (20.000 €).*

Terceira. Entidades beneficiarias

Poderán solicitar estas axudas tanto as confrarías de pescadoras e pescadores coma a Federación de Confrarías ou as agrupacións de mariscadoras, sempre que estean legalmente constituídas e pertencen á provincia de Pontevedra.

As entidades beneficiarias non deberán estar incursas en ningunha das circunstancias previstas no artigo 13 da LXS, e deberán estar ao corrente das obrigas tributarias coa Axencia Estatal de Administración Tributaria (AEAT), coa Axencia Tributaria de Galicia (ATRIGA), coa Seguridade Social e coa Deputación de Pontevedra.

Cuarta. Liñas e actuacións subvencionables

As entidades poderán presentar unha solicitude para cada liña (investimento e gasto corrente) e, polo tanto, poderá concedérselles unha subvención por cada unha das liñas solicitadas.

1. Inversións:

- *Material para vixilancia.*
- *Elementos de transporte.*
- *Equipos informáticos, impresoras, etiquetadoras.*
- *Mobiliario.*
- *Caixas e palés reutilizables.*
- *Construcións.*
- *A formación técnica e o asesoramento para desenvolver a actividade das confrarías e da Federación de Confrarías.*

Sempre e cando estas actuacións sexan rexistradas pola entidade beneficiaria en contas contables do grupo de inmovilizado.

2. Permitirase subvencionar, con carácter extraordinario, actuacións que teñan como obxecto o seguinte gasto corrente:

- *Combustible e electricidade.*
 - *En relación ao combustible, para que os gastos derivados da respostaxe sexan subvencionables deberase acreditar a afectación á actividade subvencionada do vehículo ou medio de transporte, e este deberá figurar*



incluído no inventario de bens da entidade. Así mesmo, deberase ter en conta o establecido na cláusula décimo cuarta destas bases.

- Adquisición de semente de moluscos bivalvos.*
- Gastos de persoal.*
- Organización e desenvolvemento de xornadas divulgativas e promocionais dos produtos do mar, e de encontros sectoriais de convivencia e de fomento da igualdade.*
- Roupas impermeables ou hidrotérmicas para levar a cabo a actividade pesqueira-marisqueira.*
- Caixas de porespán e plásticas non reutilizables, bolsas, sacos e láminas plásticas, traballos de pintura e reparacións de locais ou instalacións e outros similares.*

Quinta. Actuacións non subvencionables

Non será obxecto de subvención nesta convocatoria o detallado a continuación.

1. No caso de gastos en investimentos:

- a. Os gastos que non teñan a natureza de investimentos, de acordo co establecido na Orde EHA/3565/2008, de 3 de decembro, pola que se aproba a estrutura dos orzamentos das entidades locais (caixas de porespán e plásticas non reutilizables, bolsas, sacos e láminas plásticas, material funxible, traballos de pintura e reparacións en locais ou instalacións, roupa e calzado para persoal e outros similares).*
- b. O importe do IVE non se considerará gasto subvencionable cando sexa susceptible de recuperación ou compensación pola entidade, conforme ao artigo 31.8 da LXS.*
- c. Móviles e tabletas (cotas anuais, subscricións e cotas de mantemento de programas).*
- d. Os gastos referidos a investimentos que non se correspondan cos obxectivos da convocatoria.*

2. No caso de gastos correntes:

- a. Os gastos que non se correspondan cos establecidos na convocatoria.*
- b. O importe do IVE non se considerará gasto subvencionable cando sexa susceptible de recuperación ou compensación pola entidade, de acordo co artigo 31.8 da LXS.*

Sexta. Lugar de presentación de solicitudes



As solicitudes presentaranse obrigatoriamente por medios electrónicos a través do formulario normalizado, dispoñible na Sede electrónica da Deputación de Pontevedra (<https://sede.depo.gal>).

Para a presentación das solicitudes a Sede electrónica da Deputación de Pontevedra admite os certificados electrónicos do sistema Cl@ve, que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluído o DNle).

Sétima. Prazo de presentación de solicitudes

O prazo para presentar as solicitudes será de vinte (20) días hábiles, contados a partir do día seguinte ao da publicación desta convocatoria e do seu extracto no BOPPO e na Base de Datos Nacional de Subvencións (BDNS).

Oitava. Comprobación de datos

Para tramitar este procedemento consultaránse automaticamente os datos incluídos nos seguintes documentos elaborados polas administracións públicas:

- *NIF das persoas xurídicas solicitantes.*
- *NIF da persoa representante legal da asociación.*
- *Domicilio fiscal das entidades solicitantes.*
- *Certificación de estar ao corrente das obrigas tributarias para a percepción de axudas públicas coa AEAT, coa ATRIGA, coa Seguridade Social e coa Deputación de Pontevedra.*

Se as persoas interesadas se opuxesen ás devanditas consultas, deberán indicalo no cadro habilitado no formulario de inicio e entregar os documentos correspondentes.

Excepcionalmente, no caso de que algunha circunstancia imposibilitase obter os citados datos, poderáselles solicitar ás persoas interesadas que presenten os documentos correspondentes.

Novena. Documentación

En canto a investimentos, as entidades interesadas deberán entregar, xunto coa solicitude, a seguinte documentación:

- a) *Memoria explicativa da finalidade da subvención, na que se especifiquen:*
 - *As características técnicas dos equipos, as obras, o mobiliario...*
 - *O calendario de realización do investimento durante o ano 2026.*



- O número de postos de traballo que se van crear, no seu caso.
- Se se trata dun investimento destinado ás mariscadoras.

b) Cando o importe do gasto subvencionable supere a contía de corenta mil (40.000) euros sen IVE, no caso de execución de obras, ou de quince mil (15.000) euros sen IVE, para subministracións de bens de equipo, a entidade beneficiaria deberá solicitar, como mínimo, tres ofertas de diferentes empresas proveedoras antes de contratar o compromiso para a prestación do servizo ou a entrega do ben, salvo que o gasto se realizase antes da solicitude da axuda (artigo 31.3 da LXS). Esta situación deberase acreditar no expediente da subvención concedida.

De realizarse obras, as entidades tamén deberán entregar:

- Un orzamento da execución por capítulos ou unha memoria valorada coas unidades de obra desagregadas e co seu prezo unitario.
- Unha acreditación da titularidade do ben sobre o que se realizará o investimento ou un acordo de cesión, no seu caso.
- Informe ou certificación na que conste unha relación das autorizacións ou permisos necesarios para executar a obra.
- As autorizacións ou os permisos para executar a obra. No caso de que non se dispoña dos permisos ou das licenzas, deberá acreditarse a presentación das solicitudes ante os organismos correspondentes dentro do prazo de presentación de solicitudes e achegarse os permisos ou as licenzas na xustificación.

En gastos correntes:

- a) A memoria explicativa da finalidade da subvención, sinalando se se trata de combustible e electricidade, adquisición de semente de moluscos bivalvos e gastos de persoal, na que se deberá especificar:
1. O tipo de combustible e se se destinará a vehículos, embarcacións ou instalacións en edificios.
 2. Edificio ou instalación en que se realizará o consumo eléctrico.
 3. En caso de sementes, o tipo e o seu lugar de destino.
 4. En gastos de persoal, a categoría do persoal, o número de persoas e o centro de traballo para o que se solicita subvención.
 5. Se se trata dun investimento destinado ás mariscadoras.
- b) O orzamento detallado das actuacións subvencionables no que se indiquen cantidades e prezos por unidades, asinado pola persoa representante da entidade.



c) O calendario de realización dos gastos durante o ano 2026.

A documentación complementaria deberá presentarse dixitalmente. As persoas interesadas responsabilizaranse da veracidade dos documentos que acheguen. Excepcionalmente, a Administración poderá requirir a exhibición do documento orixinal para cotexalo coa copia electrónica presentada.

Se algún dos documentos que se deba presentar de forma electrónica superase os tamaños máximos establecidos ou tivese un formato non admitido pola Sede electrónica da Deputación de Pontevedra, permitirase a súa presentación de forma presencial dentro dos prazos previstos.

Non será necesario achegar os documentos xa entregados anteriormente. Para este efecto, a persoa interesada deberá indicar en que momento e ante que órgano administrativo os presentou.

Nos supostos de imposibilidade material de obter o documento, o órgano competente poderá requirirille á persoa interesada que o presente ou, na súa falta, que acredite por outros medios os requisitos aos que se refire o documento antes de formular a proposta de resolución.

Décima. Trámites administrativos posteriores á presentación de solicitudes e emenda destas
Se a solicitude non reunise os datos esixidos na convocatoria ou calquera dos previstos no artigo 66 da LPACAP, requiriráselle á persoa interesada, de conformidade co establecido no artigo 68 desta lei, que, nun prazo de dez (10) días hábiles, emende as faltas ou presente os documentos preceptivos, e indicaráselle que, se non o fai, se terá por desistida a súa solicitude, que se arquivará sen máis trámites.

Todos os trámites administrativos que as persoas interesadas deban realizar durante a tramitación deste procedemento faranse por medios electrónicos a través do modelo "2887054 Trámites administrativos xenéricos distintos da solicitude", dispoñible en <https://sede.depo.gal>.

A Sede electrónica ten á disposición das persoas interesadas unha serie de modelos xenéricos que poden utilizar para realizar as xestións máis habituais durante a tramitación administrativa (representación, emenda da solicitude, alegacións, renuncia ou recursos, entre outros). Estes modelos son comúns para os distintos procedementos e poderán empregarse sempre que a normativa reguladora do procedemento concreto para o que se vaian a usar non estableza outros modelos específicos. Os modelos xenéricos poderán descargarse para anexalos a unha solicitude ou para realizar trámites sobre outros expedientes e presentalos de forma electrónica ou presencial segundo a normativa reguladora do procedemento do que se trate. No formulario deberá indicarse, no seu caso, o procedemento para o que se efectúa o trámite. Os modelos están dispoñibles en:

<https://sede.depo.gal/web/public/dynamic/catalogo/tramitesxenericos>



Décimo primeira. Notificacións

As notificacións de resolucións e actos administrativos practicaranse só por medios electrónicos, nos termos previstos na normativa reguladora do procedemento administrativo común.

As notificacións practicaranse a través da Dirección Electrónica Habilitada única, sistema accesible desde <https://sede.depo.gal> ou directamente en <https://dehu.redsara.es>.

As notificacións entenderanse practicadas no momento no que se acceda ao seu contido e rexeitadas cando transcorresen dez (10) días naturais desde a posta á disposición da notificación sen que se acceda a este.

O sistema remitiralles ás persoas interesadas avisos da posta á disposición das notificacións á conta de correo electrónico indicada na solicitude. Estes avisos non terán, en ningún caso, efectos de notificación practicada, e a súa falta non impedirá que a notificación se considere plenamente válida.

Se o envío da notificación electrónica non fose posible por problemas técnicos, a Deputación de Pontevedra efectuará a notificación polos medios previstos na normativa reguladora do procedemento administrativo común.

Décimo segunda. Criterios para a valoración das solicitudes

- Número de socias e socios da entidade: ata 30 puntos

- De 0 a 50 ----- 10 puntos*
- De 51 a 100 ----- 15 puntos*
- De 101 a 300 ----- 20 puntos*
- De 301 a 500 ----- 25 puntos*
- Más de 500 ----- 30 puntos*

- Porcentaxe de mulleres que integran os órganos reitores da entidade solicitante: ata 20 puntos

- Do 5 ao 9 %----- 2 puntos*
- Do 10 ao 30 % ----- 5 puntos*
- Do 31 ao 49 %----- 8 puntos*
- Do 50 ao 60 % ----- 10 puntos*
- Do 61 ao 80 % ----- 15 puntos*
- Máis do 80 % ----- 20 puntos*

- Adecuado cumprimento e xustificación da subvención da última anualidade na que presentou solicitude: ata 30 puntos

- Xustificación de menos do 20 % do orzamento ----- 0 puntos*



- Xustificación do 21 ao 40 % do orzamento ----- 5 puntos
- Xustificación do 41 ao 60 % do orzamento ----- 10 puntos
- Xustificación do 61 ao 85 % do orzamento ----- 18 puntos
- Xustificación do 86 ao 95 % do orzamento ----- 25 puntos
- Xustificación do 96 ao 100 % do orzamento ----- 30 puntos

- *Investimentos en proxectos para as mariscadoras: ata 20 puntos*

- *Si: 20 puntos*
- *Non: 0 puntos*

Décimo terceira. Instrución do procedemento

A instrución do procedemento de concesión de subvencións correspóndelle á xefa do Servizo de Medio Ambiente, quen realizará de oficio todas as actuacións que estime necesarias para a determinación, o coñecemento e a comprobación dos datos. Esta instrución comprenderá as seguintes actividades ou fases:

- a. Informe-proposta no que figure a valoración das solicitudes de acordo cos criterios da base décima e se explique o sistema seguido.*
- b. Informe de fiscalización de Intervención de todos os expedientes e do informe-proposta, de conformidade co previsto nos artigos 19 da Ordenanza xeral de subvencións da Deputación de Pontevedra e 24 da LXS.*

Posteriormente, a Comisión de Valoración realizará un estudo do informe-proposta da xefa de servizo das solicitudes de subvención. Este órgano colexiado estará composto por:

- *Presidente: o deputado delegado da área de Medio Ambiente.*
- *Vogais: dúas persoas integrantes do equipo técnico do Servizo de Medio Ambiente e unha do equipo técnico do Servizo de Intervención.*
- *Secretaria ou secretario: unha funcionaria ou funcionario do Servizo de Medio Ambiente, que actuará sen voto.*

A Comisión de Valoración poderá:

- 1. Solicitar cantos informes estime necesarios para resolver.*
- 2. Emitir un informe respecto ás solicitudes de subvención.*

Finalmente, a proposta de resolución elevarase á Xunta de Goberno para a súa aprobación definitiva, segundo o disposto nas Bases de execución do Orzamento provincial e na lexislación vixente.



A resolución do procedemento notificaráselles ás entidades interesadas segundo o previsto no artigo 40 da LPACAP.

Transcorridos seis (6) meses a partir do día seguinte ao da finalización do prazo de presentación da solicitude sen notificarse a resolución, as entidades interesadas estarán lexitimadas para entender como desestimada a solicitude de subvención por silencio administrativo.

Décimo cuarta. Xustificación e pago das subvencións

Unha vez notificada a aprobación das axudas concedidas e realizado o gasto ou a actividade, sempre antes do 31 de decembro de 2026, as entidades beneficiarias deberán xustificalas antes do 31 de marzo de 2027.

No caso de investimentos, o prazo para executar as actuacións e os investimentos poderá prorrogarse, en casos debidamente xustificadas, ata un máximo de tres (3) meses por acordo expreso do órgano competente, logo da solicitude das entidades interesadas.

Naqueles casos nos que se conceda a ampliación do prazo de execución, a ampliación do prazo de xustificación non poderá exceder a metade do establecido inicialmente, é dicir, un mes e medio, e sempre que con iso non se prexudiquen dereitos de terceiras persoas.

Unha vez aprobadas as axudas, logo dos informes de Intervención, estas aboaráselles ás entidades solicitantes, tras a xustificación das accións realizadas, que deberán desenvolverse tendo en conta o establecido nos artigos 30 da LXS e 24 da Ordenanza xeral de subvencións da Deputación, relativa á xustificación das subvencións públicas.

Os gastos xustificadas deberán axustarse aos conceptos incluídos no orzamento inicial, sen que se aboe máis que o importe xustificado co límite da subvención concedida.

Para pagar a subvención, terase en conta o seguinte:

- a) De xustificarse o 100 % do orzamento subvencionado, aboarase a totalidade da subvención.*
- b) De xustificarse un gasto inferior ao 100 %, aboarase a parte proporcional.*

O pagamento efectuarase por transferencia á conta bancaria indicada pola entidade.

Para cobrar a subvención, as entidades perceptoras deberán presentar, obrigatoriamente por medios electrónicos a través do modelo "instancia xenérica", dispoñible en <https://sede.depo.gal>, a seguinte documentación:



- a) *Conta xustificativa dos gastos, asinada pola persoa representante legal da entidade beneficiaria, na que se determinará o custo do gasto total da finalidade subvencionada, se detallarán as facturas ou documentos con valor probatorio no ámbito mercantil e administrativo, e se indicará que os gastos especificados nela se aplicaron á finalidade para a que se concedeu a axuda.*
- b) *Xustificación, con nóminas, facturas ou documentos análogos con valor probatorio no ámbito mercantil e administrativo, polo importe da subvención concedida, na que se indiquen o número de unidades, os seus prezos unitarios e o custo total de cada unidade.*
 - *No caso de gastos derivados da repostaxe de combustible, a factura presentada deberá ser completa e estar expedida a nome da entidade beneficiaria; ademais, deberá incluír necesariamente a identificación do vehículo mediante a súa matrícula.*
- c) *Acreditación da debida divulgación por parte da confraría do financiamento da actividade ou do investimento subvencionado pola Deputación a través de anuncios en prensa, da páxina web, das redes sociais ou similares.*
- d) *Memoria xustificativa na que se detallen as actuacións realizadas.*
- e) *Xustificación dos ingresos ou do financiamento obtido para a mesma finalidade.*
- f) *Para cobrar a axuda concedida, a entidade perceptora deberá estar ao corrente das súas obrigas fiscais coa AEAT, coa ATRIGA, coa Seguridade Social e coa Deputación de Pontevedra, situación que determinará de oficio a propia institución provincial.*
- g) *Na xustificación do gasto de obras requirirase a presentación do proxecto técnico cando sexa legalmente necesario.*
- h) *No caso de que non se dispoña dos permisos ou licenzas no momento da solicitude, deberán achegarse os permisos ou licenzas na xustificación.*
- i) *Para xustificar os gastos de persoal, por cada persoa traballadora e mes indicárase separadamente o total devindicado e o importe da Seguridade Social con cargo á confraría ou agrupación.*

Producirase o reintegro ou perda do dereito ao cobramento, total ou parcial, da subvención nos supostos de falta de xustificación ou xustificación insuficiente, falta de achega da documentación requirida e demais causas previstas no artigo 37 da LXS.

Décimo quinta. Obrigas das entidades beneficiarias

As entidades beneficiases destas axudas comprométense a:



- Cumprir o obxectivo, executar o proxecto, realizar a actividade ou adoptar o comportamento que fundamenta a concesión das subvencións.
- Xustificar ante o órgano que concede a subvención o cumprimento dos requisitos e condicións, así como a realización da actividade e o cumprimento da finalidade que determinen a concesión ou gozo da subvención.
- Cumprir coas medidas de publicidade e difusión previstas nestas bases.
- Estar ao corrente das obrigas tributarias coa AEAT, coa ATRIGA, coa Seguridade Social e coa Deputación de Pontevedra, e non ter obrigas ou incumprimentos pendentes, de calquera tipo, non só económicos, coa institución provincial.
- Someterse ás actuacións de comprobación que efectúe o órgano concedente, así como calquera outra de comprobación e control financeiro que poidan realizar os órganos de control competentes, tanto nacionais coma comunitarios, e achegar a información que se lle requira no exercicio das actuacións anteriores.
- Comunicarlle ao órgano concedente a obtención doutras subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza e, en todo caso, antes da xustificación da aplicación dada aos fondos recibidos.
- Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable á entidade beneficiaria en cada caso, así como cantos estados contables e rexistros específicos sexan esixidos nas bases reguladoras das subvencións, co fin de garantir o adecuado exercicio das facultades de comprobación e control.
- Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.
- Cumprir coas demais obrigas previstas nestas bases ou calquera outra prevista na Lei 9/2007, de 13 de xuño, de subvencións de Galicia, e na Ordenanza xeral de subvencións da Deputación de Pontevedra.

Décimo sexta. Control e seguimento das subvencións

Os gastos que figuren na conta xustificativa aboaránselles ás empresas provedoras preferiblemente antes de presentar a xustificación da subvención e, en todo caso, no prazo máximo dun (1) mes desde a percepción dos fondos. O gasto non pagado ou pagado fóra deste prazo non se considerará subvencionable.

As entidades beneficiarias das subvencións provinciais deben empregar formas de pagamento que se poidan acreditar mediante un documento expedido por unha entidade financeira no que se identifiquen a entidade ou a persoa beneficiaria, o importe e a data de



pagamento (tarxetas de crédito ou débito, talóns nominativos, transferencias bancarias etc.). O incumprimento desta disposición para algún gasto implicará que este se considere non subvencionable.

Os investimentos subvencionados deberán manterse durante un período mínimo de catro (4) anos. Este asunto poderá ser obxecto de comprobación polo centro xestor, así como polo servizo de control financeiro da Intervención provincial. O incumprimento deste requisito será causa de perda do dereito ao cobramento ou reintegro na parte correspondente ao importe subvencionado do investimento afectado.

O persoal técnico do Servizo de Medio Ambiente do organismo provincial velará por que se cumpran as condicións esixidas para a concesión das subvencións e se realicen correctamente as actuacións previstas. Para iso, no caso de investimentos, efectuaranse as inspeccións e comprobacións oportunas e reflectiranse no resultado do correspondente informe. Tamén se solicitará a información que se considere necesaria sobre as entidades beneficiarias das axudas.

Décimo sétima. Control financeiro

De acordo co establecido no artigo 31 da Ordenanza xeral de subvencións da Deputación de Pontevedra, a entidade beneficiaria estará suxeita ao control financeiro que se poida exercer, no prazo de catro (4) anos, contados desde o pagamento da subvención. O control financeiro terá por obxecto verificar a correcta obtención da subvención e o cumprimento das obrigas que lle corresponden á entidade beneficiaria, incluída a obriga de manter os investimentos por un período mínimo de catro (4) anos.

No control financeiro solicitarase que se achegue a relación de gastos e ingresos totais da actividade subvencionada, que deberá incluír os distintos conceptos do orzamento presentado coa solicitude e o resto de gastos que a entidade lle impute á actividade subvencionada, así como os rexistros contables correspondentes.

No caso de que o resultado do exercicio fose positivo, deberá reintegrar o importe resultante conforme á lexislación vixente, na que se dispón que o importe das subvencións en ningún caso poderá ser de tal contía que, por si soa ou en concorrencia con outras subvencións, axudas, ingresos ou recursos, supere o custo da actividade subvencionada.

Décimo oitava. Incumprimentos e responsabilidades

Unha vez vencido o prazo de xustificación sinalado na base décima sen que a entidade beneficiaria presente a documentación xustificativa, o Servizo de Medio Ambiente requiriralle que a entregue no prazo improrrogable de quince (15) días.

O feito de non presentar a documentación neste prazo supoñerá o inicio do expediente de perda de dereito ao cobramento e as demais responsabilidades previstas na LXS.



Décimo novena. Dereito supletorio

Para o non disposto nestas bases, reixerá o artigo 4 da Ordenanza xeral de subvencións, a LXS e a demais normativa de aplicación pertinente.

Vixésima. Publicidade da convocatoria

Estas bases reguladoras publicaranse no BOPPO e en <https://sede.depo.gal>.

Por outra banda, de conformidade co previsto nos artigos 17.3.b e 20.8.a da LXS, o texto da convocatoria remitiráselle á BDNS para a súa publicación nela.

Vixésimo primeira. Protección de datos

Os datos persoais obtidos neste procedemento serán obxecto de tratamento pola Deputación de Pontevedra, en calidade de órgano responsable, coa finalidade de xestionar este procedemento, verificar os datos e os documentos que a persoa interesada declare na súa solicitude para comprobar a súa exactitude e levar a cabo todas as actuacións administrativas que, no seu caso, deriven.

A lexitimación para o tratamento baséase no cumprimento dunha tarefa de interese público ou no exercicio de poderes públicos, de acordo coas normas de rango legal recollidas no apartado “Normativa aplicable”, dispoñible na ficha de procedemento en <https://sede.depo.gal>.

Os datos persoais recollidos neste procedemento serán obxecto de comunicación ás administracións públicas no exercicio das súas propias competencias, ou cando sexa necesario para que a cidadanía poida acceder de forma integral á información relativa a unha materia.

As persoas interesadas poderán acceder, rectificar e suprimir os seus datos, exercer outros dereitos ou revogar o seu consentimento segundo o previsto en <https://depo.gal/proteccion-de-datos/exercicio-de-dereitos>.”

Documento asinado dixitalmente”

A Comisión Informativa de Turismo, Acción Comunitaria, Impulso Rural e Medio Ambiente queda enterada do estado do expediente referido “ut supra”.



3. Dar conta da publicación das bases reguladoras de subvencións dirixidas a cooperativas agrogandeiras da provincia de Pontevedra para investimentos durante o exercicio de 2026 (Expediente 2026006023)

“ASUNTO: DAR CONTA DA PUBLICACIÓN DAS BASES REGULADORAS DE SUBVENCIONES DIRIXIDAS A COOPERATIVAS AGROGANDEIRAS DA PROVINCIA DE PONTEVEDRA PARA INVERSIONES DURANTE O EJERCICIO DE 2026 (EXPEDIENTE 2026006023)

O pasado 27.03.2026, a través do acordo número 6.36297, a Xunta de Goberno da Deputación de Pontevedra aprobou as Bases para a concesión de subvencións dirixidas a cooperativas agrogandeiras da provincia de Pontevedra para investimentos durante o exercicio de 2026, publicadas no Boletín Oficial da Provincia de Pontevedra (BOPPO) número 62 o 01.04.2026, cuxo período de presentación de solicitudes remata o 04.05.2026, segundo o texto que di o seguinte:

“BASES REGULADORAS DE SUBVENCIONES DIRIXIDAS A COOPERATIVAS AGROGANDEIRAS DA PROVINCIA DE PONTEVEDRA PARA INVERSIONES DURANTE O EJERCICIO DE 2026

As cooperativas teñen un gran peso na organización e na ordenación dos recursos agrogandeiros, e unha destacada importancia na estrutura socioeconómica da provincia de Pontevedra.

O cooperativismo conta cunha protección mesmo a nivel constitucional, como cabe inferir dos artigos 40 e 129, nos que se establece a obriga de promover eficazmente as diversas formas de participación na empresa e de fomentar, mediante unha lexislación adecuada, as sociedades cooperativas, así como a de establecer os medios que faciliten o acceso das e dos traballadores á propiedade dos medios de produción.

Pola súa banda, a Lei 6/2016, de 4 de maio, da economía social de Galicia, a través dunha regulación común aplicable ao conxunto das entidades que a integran, ten por finalidade recoñecer, fomentar e impulsalas para cumprir os fins económicos e sociais que lle son propios, potenciando a súa presenza, crecemento e influencia en todos os campos da acción social, económica e empresarial, así como o establecemento de mecanismos para a súa organización e coordinación.

Destaca a mención expresa, no seu artigo 14.4, ás entidades locais: “a Administración local, as universidades e o conxunto de entidades públicas procurarán a promoción da economía social dentro das súas actuacións”. Isto constitúe un primeiro e cualificado título de intervención nesta materia.



Ademais, as empresas de economía social, e singularmente as cooperativas, demostraron a súa capacidade de resistencia ás crises, de creación de emprego estable e de calidade, de vinculación co territorio e de mellora do benestar social, polo que resulta procedente activar suficientemente as súas potencialidades de emprendemento e autoemprego.

Desde o punto de vista competencial, de conformidade co establecido no artigo 36.1.d da Lei 7/1985, de 2 de abril, reguladora das bases do réxime local, é competencia propia da Deputación a cooperación no fomento do desenvolvemento económico e social e na planificación no territorio provincial, de acordo coas competencias das demais administracións públicas neste ámbito.

Así mesmo, no artigo 109.d da Lei 5/1997, de 22 de xullo, de Administración local de Galicia, establécese que serán competencias propias das deputacións provinciais as que baixo este concepto lles atribúan as leis e, en calquera caso e entre outras, o fomento e a administración dos intereses peculiares da provincia.

Con estes antecedentes, a Deputación de Pontevedra, consciente da importancia do movemento cooperativista e do asociacionismo para o desenvolvemento do sector agrogandeiro provincial, dálle continuidade a esta liña de subvencións públicas, en réxime de concorrencia competitiva, para financiar investimentos que melloren os servizos que leven a cabo no ano 2026.

Estas subvencións rexeranse igualmente polo disposto na Lei 38/2003, de 17 de novembro, xeral de subvencións (LXS), na Ordenanza xeral de subvencións da Deputación de Pontevedra, publicada no Boletín Oficial da Provincia de Pontevedra (BOPPO) núm. 249 do 30 de decembro de 2016, e na Lei 39/2015, de 1 de outubro, do procedemento administrativo común das administracións públicas (LPACAP), de acordo coas seguintes

BASES

Primeira. Obxecto

Constitúe o obxecto xeral destas bases definir o conxunto de condicións e o proceso que se seguirá para a concesión de subvencións ás cooperativas agrogandeiras legalmente constituídas da provincia de Pontevedra que outorgue a Deputación, segundo os principios de obxectividade e concorrencia competitiva.

Segunda. Financiamento

Estas axudas contan cun crédito total de trescentos cincuenta mil euros (350.000 €) e convócanse con cargo á aplicación orzamentaria 26/410.4120.789.00.



A porcentaxe máxima subvencionable será do 65 % dos custos subvencionables, sen prexuízo de que sexan compatibles con outras axudas recibidas doutros organismos, e a súa concorrencia en ningún caso poderá superar o custo total do investimento.

Limitacións:

- *Importe do orzamento subvencionable de gastos da actividade: máximo de setenta mil euros (70.000 €).*
- *Importe da subvención: mínimo de seiscientos euros (600 €) e máximo de corenta e cinco mil cincocentos euros (45.500 €).*

Terceira. Entidades beneficiarias

Poderá solicitar estas axudas calquera cooperativa agrogandeira legalmente constituída da provincia de Pontevedra.

As entidades beneficiarias non deberán estar incursas en ningunha das circunstancias previstas no artigo 13 da LXS, e deberán estar ao corrente das obrigas tributarias coa Axencia Estatal de Administración Tributaria (AEAT), coa Axencia Tributaria de Galicia (ATRIGA), coa Seguridade Social e coa Deputación de Pontevedra.

Cuarta. Actuacións subvencionables

Son actuacións susceptibles de axuda as que apoien as entidades agrogandeiras en investimentos destinados á recuperación e posta en valor dos recursos agrarios endóxeos de carácter agrícola e gandeiro que teñan como obxecto:

- a) Inversións para mellorar os servizos que presta a cooperativa:*
 - *Axudas para adquirir terreos, para maquinaria agrícola, obras, construcións, equipos, instalacións, melloras en edificios e os seus accesos, equipos e sistemas informáticos, mobiliario e outros investimentos que sirvan para mellorar os servizos que prestan estas entidades.*
- b) A comercialización, a transformación e a valorización das producións.*
- c) A formación técnica e o asesoramento para desenvolver proxectos de investigación e innovación tecnolóxica.*
- d) O uso das novas tecnoloxías e das enerxías renovables e o aforro enerxético.*

As axudas para maquinaria agrícola non serán compatibles con outras para o mesmo fin outorgadas por outra Administración pública.



As actuacións referidas deben ser rexistradas pola entidade beneficiaria en contas contables do grupo de inmovilizado.

Quinta. Actuacións non subvencionables

Non será obxecto de subvención nesta convocatoria o seguinte:

- a) Os gastos que non teñan natureza de investimentos, de acordo co establecido na Orde EHA/3565/2008, de 3 de decembro, pola que se aproba a estrutura dos orzamentos das entidades locais (por exemplo: caixas de polistireno expandido, caixas plásticas non reutilizables, bolsas e láminas plásticas, material funxible, traballos de pintura e reparacións en locais ou instalacións, roupa e calzado de traballo, e outros similares).*
- b) O importe do IVE non se considerará gasto subvencionable cando sexa susceptible de recuperación ou compensación pola entidade, conforme ao artigo 31.8 da LXS.*
- c) Móviles e tabletas (cotas anuais, subscricións e cotas de mantemento de programas).*
- d) Os gastos referidos a investimentos que non se correspondan cos obxectivos da convocatoria.*
- e) As actuacións que non teñan como finalidade a prestación de servizos ás súas persoas socias.*

Sexta. Lugar de presentación de solicitudes

As solicitudes presentaranse obrigatoriamente por medios electrónicos a través do formulario normalizado dispoñible na Sede electrónica da Deputación de Pontevedra (<https://sede.depo.gal>).

Para a presentación de solicitudes a Sede electrónica da Deputación admite os certificados electrónicos do sistema Cl@ve, que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluído o DNle).

Sétima. Prazo de presentación de solicitudes

O prazo para presentar as solicitudes será de vinte (20) días hábiles, contados a partir do día seguinte ao da publicación desta convocatoria e do seu extracto no BOPPO e na Base de Datos Nacional de Subvencións (BDNS).

Oitava. Comprobación de datos

Para tramitar este procedemento consultaránse automaticamente os datos incluídos nos seguintes documentos elaborados polas administracións públicas:



- *NIF das persoas xurídicas solicitantes.*
- *NIF da persoa representante legal da asociación.*
- *Domicilio fiscal das entidades solicitantes.*
- *Certificación de estar ao corrente das obrigas tributarias para a percepción de axudas públicas coa AEAT, coa ATRIGA, coa Seguridade Social e coa Deputación de Pontevedra.*

Se as persoas interesadas se opuxesen ás devanditas consultas, deberán indicalo no cadro habilitado no formulario de inicio e entregar os documentos correspondentes.

Excepcionalmente, no caso de que algunha circunstancia imposibilitase obter os citados datos, poderáselles solicitar ás persoas interesadas que presenten os documentos correspondentes.

Novena. Documentación

As entidades interesadas deberán achegar, xunto coa solicitude, a seguinte documentación:

- a) Copia dos estatutos da entidade.*
- b) Memoria do investimento que se vai a realizar, na que se especifiquen:*
 - *As características técnicas dos equipos, as obras, os estudos técnicos e o mobiliario.*
 - *Unha breve descrición do investimento, que permitirá comprobar que é subvencionable nesta convocatoria.*
 - *O calendario de realización do investimento durante o ano 2026.*
- c) Resumo do balance anual de perdas e ganancias da cooperativa.*
- d) Cando o importe do gasto subvencionable supere a contía de corenta mil euros (40.000 €) sen IVE, no caso de execución de obras, ou de quince mil euros (15.000 €) sen IVE, para subministracións de bens de equipo, a entidade beneficiaria deberá solicitar, como mínimo, tres ofertas de diferentes empresas provedoras antes de contratar o compromiso para a prestación do servizo ou a entrega do ben, salvo que o gasto se realizase antes da solicitude da axuda (artigo 31.3 da LXS). Esta situación deberase acreditar no momento de solicitar a subvención.*

Se se van realizar obras, as entidades tamén deberán entregar:

- Un orzamento da execución por capítulos ou unha memoria valorada coas unidades de obra desagregadas e o seu prezo unitario.*



- Unha acreditación da titularidade do ben sobre o que se realizará o investimento ou un documento público de acordo de cesión (mínimo de cinco anos), no seu caso.

- Informe ou certificación na que conste unha relación das autorizacións ou os permisos necesarios para executar a obra.

- Autorizacións ou permisos para executar a obra. No caso de que non se dispoña dos permisos ou licenzas, deberá acreditarse a presentación das solicitudes ante os organismos correspondentes dentro do prazo de presentación de solicitudes e achegarse os permisos ou licenzas na xustificación.

- Se as obras superasen os cincuenta mil euros (50.000 €), presentarase unha reportaxe fotográfica do estado antes de que estas comecen, segundo o establecido no artigo 15.5 da Ordenanza xeral de subvencións da Deputación.

De adquirirse terras:

- Un documento de compromiso de adquisición, precontrato ou similar, ou unha acreditación da adquisición cunha copia dixitalizada do documento de compra.

A documentación complementaria deberá presentarse electronicamente. As persoas interesadas responsabilizaranse da veracidade dos documentos que acheguen. Excepcionalmente, a Administración poderá requirir a exhibición do documento orixinal para cotexalo coa copia electrónica presentada.

Se algún dos documentos que se deben presentar de forma electrónica superase os tamaños máximos establecidos ou tivese un formato non admitido pola Sede electrónica da Deputación de Pontevedra, permitirase a súa presentación de forma presencial dentro dos prazos previstos.

Non será necesario achegar os documentos xa entregados anteriormente. Para este efecto, a persoa interesada deberá indicar en que momento e ante que órgano administrativo os presentou.

Nos supostos de imposibilidade material de obter o documento, o órgano competente poderá requirirle á persoa interesada que o presente ou, na súa falta, que acredite por outros medios os requisitos aos que se refire o documento antes de formular a proposta de resolución.

Décima. Trámites administrativos posteriores á presentación de solicitudes e emenda destas

Se a solicitude non reunise os datos esixidos na convocatoria ou calquera dos previstos no artigo 66 da LPACAP, requiriráselle á persoa interesada, de conformidade co establecido no artigo 68 desta lei, que, nun prazo de dez (10) días hábiles, emende as faltas ou presente os



documentos preceptivos, e indicaráselle que, se non o fai, se terá por desistida a súa solicitude, que se arquivará sen máis trámites.

Todos os trámites administrativos que as persoas interesadas deban realizar durante a tramitación deste procedemento faranse por medios electrónicos a través do modelo "2887054 Trámites administrativos xenéricos distintos da solicitude", dispoñible en <https://sede.depo.gal>.

A Sede electrónica ten á disposición das persoas interesadas unha serie de modelos xenéricos que poden utilizar para realizar as xestións máis habituais durante a tramitación administrativa (representación, emenda da solicitude, alegacións, renuncia ou recursos, entre outros). Estes modelos son comúns para os distintos procedementos e poderán empregarse sempre que a normativa reguladora do procedemento concreto para o que se vaian empregar non estableza outros específicos. Os modelos xenéricos poderán descargarse para anexalos a unha solicitude ou para realizar trámites sobre outros expedientes e presentalos de forma electrónica ou presencial segundo a normativa reguladora do procedemento de que se trate. No formulario deberá indicarse, no seu caso, o procedemento para o que se efectúa o trámite. Os modelos están dispoñibles en:

<https://sede.depo.gal/web/public/dynamic/catalogo/tramitesxenericos>

Décimo primeira. Notificacións

As notificacións de resolucións e actos administrativos practícaranse só por medios electrónicos, nos termos previstos na normativa reguladora do procedemento administrativo común.

As notificacións practícaranse a través da Dirección Electrónica Habilitada única, sistema accesible desde <https://sede.depo.gal> ou directamente desde <https://dehu.redsara.es>.

As notificacións entenderanse practicadas no momento no que se acceda ao seu contido e rexeitadas cando transcorresen dez (10) días naturais desde a posta á disposición da notificación sen que se acceda a este.

O sistema remitiralles ás persoas interesadas avisos da posta á disposición das notificacións á conta de correo electrónico indicada na solicitude. Estes avisos non terán, en ningún caso, efectos de notificación practicada e a súa falta non impedirá que a notificación sexa considerada plenamente válida.

Se o envío da notificación electrónica non fose posible por problemas técnicos, a Deputación de Pontevedra efectuará a notificación polos medios previstos na normativa reguladora do procedemento administrativo común.



Décimo segunda. Criterios para a valoración das solicitudes

- *Número de persoas asociadas (ata 20 puntos):*
 - De 1 a 25 3 puntos
 - De 26 a 50 6 puntos
 - De 51 a 75 9 puntos
 - De 76 a 100 12 puntos
 - De 101 a 150 15 puntos
 - De 151 a 200 18 puntos
 - Más de 200 20 puntos
- *Volume de facturación da cooperativa (ata 15 puntos):*
 - Ata 75.000 € 2 puntos
 - De 75.001 a 125.000 € 4 puntos
 - De 125.001 a 250.000 € 6 puntos
 - De 250.001 a 500.000 € 8 puntos
 - De 500.001 a 1.000.000 € 10 puntos
 - De 1.000.001 a 1.500.000 € 12 puntos
 - De 1.500.001 a 2.500.000 € 14 puntos
 - Más de 2.500.000 € 15 puntos
- *Porcentaxe de mulleres que integran os órganos reitores da entidade solicitante (ata 15 puntos):*
 - Do 20 ao 39 % 5 puntos
 - Do 40 ao 49 % 8 puntos
 - Do 50 ao 60 % 12 puntos
 - Máis do 60 % 15 puntos
- *Investimentos en proxectos innovadores (ata 10 puntos):*
 - Si é innovador 10 puntos
 - Non é innovador 0 puntos
- *Adecuado cumprimento e xustificación da subvención da última anualidade na que se presentou solicitude (ata 40 puntos):*
 - Cumprimento e xustificación do 100 % do orzamento 40 puntos
 - Cumprimento e xustificación do 50 % do orzamento 20 puntos
 - Cumprimento do 21 ao 49 % do orzamento 10 puntos
 - Cumprimento do 20 % ou inferior 0 puntos



Décimo terceira. Instrución do procedemento

A instrución do procedemento de concesión de subvencións correspóndelle á xefa do Servizo de Medio Ambiente, quen realizará de oficio todas as actuacións que estime necesarias para a determinación, o coñecemento e a comprobación dos datos. Esta instrución comprende as seguintes actividades ou fases:

- a. Informe-proposta no que figure a valoración das solicitudes segundo os criterios da base décima e se explique o sistema seguido.*
- b. Informe de fiscalización de Intervención de todos os expedientes e do informe-proposta, de conformidade co previsto no artigo 19 da Ordenanza xeral de subvencións da Deputación de Pontevedra e no artigo 24 da LXS.*

Posteriormente, a Comisión de Valoración realizará un estudo do informe-proposta da xefa de servizo das solicitudes de subvención. Este órgano colexiado estará composto por:

- *Presidente: o deputado delegado da área de Medio Ambiente.*
- *Vogais: dúas persoas integrantes do equipo técnico do Servizo de Medio Ambiente e unha do equipo técnico do Servizo de Intervención.*
- *Secretaria ou secretario: unha funcionaria ou funcionario do Servizo de Medio Ambiente, que actuará sen voto.*

A Comisión de Valoración poderá:

- a) Solicitar cuantos informes estime necesarios para resolver.*
- b) Emitir un informe respecto das solicitudes de subvención.*

Finalmente, a proposta de resolución elevarase á Xunta de Goberno para a súa aprobación definitiva, segundo o disposto nas Bases de execución do Orzamento provincial e na lexislación vixente.

A resolución do procedemento notificaráselles ás entidades interesadas segundo o previsto no artigo 40 da LPACAP.

Transcorridos seis (6) meses a partir do día seguinte ao da finalización do prazo de presentación de solicitudes sen notificarse a resolución, as entidades interesadas estarán lexitimadas para entender como desestimada a solicitude por silencio administrativo.

Décimo cuarta. Xustificación e pagamento das subvencións

Unha vez notificada a aprobación das axudas concedidas e realizado o investimento ou a actividade, sempre antes do 31 de decembro de 2026, as entidades beneficiarias deberán xustificalas antes do 31 de marzo de 2027.



O prazo para executar as actuacións e os investimentos poderá prorrogarse, en casos debidamente xustificadas, ata un máximo de tres (3) meses, por acordo expreso do órgano competente e logo da solicitude por parte das entidades interesadas.

Naqueles casos nos que se conceda a ampliación do prazo de execución, a ampliación do prazo de xustificación non poderá exceder a metade do establecido inicialmente, é dicir, un mes e medio, e sempre que con iso non se prexudiquen dereitos de terceiras persoas.

Unha vez aprobadas as axudas, cos informes previos de Intervención, estas aboaránselles ás entidades solicitantes, tras a xustificación das accións realizadas, que deberán adecuarse ao establecido nos artigos 30 da LXS e 24 da Ordenanza xeral de subvencións da Deputación, relativa á xustificación das subvencións públicas.

Os gastos xustificadas deberán axustarse aos conceptos incluídos no orzamento inicial, sen que se aboe máis que o importe xustificado co límite da subvención concedida.

Para pagar a subvención terase en conta o seguinte:

- a) Se se xustifica o 100 % do orzamento subvencionado, aboarase a totalidade da subvención.*
- b) Se se xustifica un gasto inferior ao 100 %, aboarase a súa parte proporcional.*

O pagamento efectuarase por transferencia á conta bancaria indicada pola entidade.

Para cobrar a subvención as entidades receptoras deberán presentar obrigatoriamente por medios electrónicos a través do modelo “instancia xenérica”, dispoñible en <https://sede.depo.gal>, a seguinte documentación:

- a) Conta xustificativa dos gastos, asinada pola persoa representante legal da entidade beneficiaria, na que se determinará o custo do gasto total da finalidade subvencionada, se detallarán as facturas ou documentos con valor probatorio no ámbito mercantil e administrativo, e se indicarán que os gastos especificados nela se aplicaron á finalidade para a que se concedeu a axuda.*
- b) Xustificación, con facturas ou documentos análogos con valor probatorio no ámbito mercantil e administrativo, polo importe da subvención concedida, na que se indiquen cada factura, o número de unidades, os seus prezos unitarios e o custo total de cada unidade.*
- c) Acreditación da debida divulgación por parte da entidade beneficiaria do financiamento da actividade ou o investimento subvencionado pola Deputación a través de anuncios en prensa, da páxina web, das redes sociais ou similares.*



- d) *Memoria xustificativa na que se detallen as actuacións realizadas.*
- e) *Xustificación dos ingresos ou financiamento obtido para a mesma finalidade.*
- f) *Para cobrar a axuda concedida, a entidade perceptora deberá estar ao corrente das súas obrigas fiscais coa AEAT, coa ATRIGA, coa Seguridade Social e coa Deputación de Pontevedra, situación que determinará de oficio a propia institución provincial.*
- g) *Na xustificación do gasto de obras requirirase a achega do proxecto técnico cando sexa legalmente necesario.*
- h) *No caso de que non se dispuxese dos permisos ou licenzas no momento da solicitude, estes deberán achegarse na xustificación.*

Décimo quinta. Obrigas das entidades beneficiarias

As entidades beneficiarias destas axudas comprométense a:

- *Cumprir o obxectivo, executar o proxecto, realizar a actividade ou adoptar o comportamento que fundamenta a concesión das subvencións.*
- *Xustificar ante o órgano concedente o cumprimento dos requisitos e condicións, así como a realización da actividade e o cumprimento da finalidade que determinen a concesión ou gozo da subvención.*
- *Cumprir coas medidas de publicidade e difusión previstas nestas bases.*
- *Estar ao corrente das obrigas tributarias coa AEAT, coa ATRIGA, coa Seguridade Social e coa Deputación de Pontevedra, e non ter obrigas ou incumprimentos pendentes, de calquera tipo e non só económicos, coa institución provincial.*
- *Someterse ás actuacións de comprobación que efectúe o órgano concedente, así como calquera outra de comprobación e control financeiro que poidan realizar os órganos de control competentes, tanto nacionais coma comunitarios, e achegar a información que se lle requira no exercicio das actuacións anteriores.*
- *Comunicarlle ao órgano concedente a obtención doutras subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza e, en todo caso, antes da xustificación da aplicación dada aos fondos percibidos.*
- *Dispoñer dos libros contables, rexistros dilixenciados e demais documentos debidamente auditados nos termos estipulados na lexislación mercantil e sectorial aplicable a entidade beneficiaria en cada caso, así como cantos estados contables e rexistros específicos sexan*



esixidos nas bases reguladoras das subvencións, co fin de garantir o adecuado exercicio das facultades de comprobación e control.

- Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

- Cumprir coas demais obrigas previstas nestas bases ou calquera outra prevista na Lei 9/2007, de 13 de xuño, de subvencións de Galicia, e na Ordenanza xeral de subvencións da Deputación de Pontevedra.

Décimo sexta. Control e seguimento das subvencións

O importe dos gastos que figuren na conta xustificativa aboaránselles ás empresas provedoras preferiblemente antes de presentar a xustificación da subvención e, en todo caso, no prazo máximo dun (1) mes desde a percepción dos fondos. O gasto non pagado ou pagado fóra deste prazo non se considerará subvencionable.

As entidades beneficiarias das subvencións provinciais deben empregar formas de pagamento que se poidan acreditar mediante un documento expedido por unha entidade financeira no que se identifiquen a entidade ou a persoa beneficiaria, o importe e a data de pagamento (tarxetas de crédito ou débito, talóns nominativos, transferencias bancarias etc.). O incumprimento desta disposición para algún gasto implicará que este se considere non subvencionable.

Os investimentos subvencionados deberán manterse durante un período mínimo de catro (4) anos. Este asunto poderá ser obxecto de comprobación polo centro xestor, así como polo servizo de control financeiro da Intervención provincial. O incumprimento deste requisito será causa de perda do dereito ao cobramento ou reintegro na parte correspondente ao importe subvencionado do investimento afectado.

O persoal técnico do Servizo de Medio Ambiente do organismo provincial velará por que se cumpran as condicións esixidas para a concesión das subvencións e se realicen correctamente as actuacións previstas. Para iso, efectuaranse as inspeccións e comprobacións oportunas e reflectirase o resultado no correspondente informe. Tamén se solicitará a información que se considere necesaria sobre as entidades beneficiarias das axudas.

Décimo sétima. Control financeiro

De acordo co establecido no artigo 31 da Ordenanza xeral de subvencións da Deputación de Pontevedra, a persoa beneficiaria estará suxeita ao control financeiro que se poida exercer, no prazo de catro (4) anos, contados desde o pagamento da subvención. O control financeiro



terá por obxecto verificar a correcta obtención da subvención e o cumprimento das obrigas correspondentes á persoa beneficiaria, incluída a obriga de mantemento dos investimentos por un período mínimo de catro (4) anos.

No control financeiro solicitarase que se achegue a relación dos gastos e ingresos totais da actividade subvencionada, que deberá integrar os distintos conceptos do orzamento presentado coa solicitude e cos demais gastos que a entidade lle impute á actividade subvencionada, así como os rexistros contables correspondentes.

Décimo oitava. Incumprimentos e responsabilidades

Unha vez vencido o prazo de xustificación sinalado na base décima sen que a entidade beneficiaria presente a documentación xustificativa, o Servizo de Medio Ambiente requiriralle que a entregue no prazo improrrogable de quince (15) días.

O feito de non presentar a documentación neste prazo suporá o inicio do expediente de perda de dereito ao cobramento e as demais responsabilidades previstas na LXS.

Décimo novena. Dereito supletorio

Para o non disposto nestas bases, rexerá o artigo 4 da Ordenanza xeral de subvencións, a LXS e a demais normativa de aplicación pertinente.

Vixésima. Publicidade da convocatoria

Estas bases reguladoras publicaranse no BOPPO e en <https://sede.depo.gal>.

Por outra banda, de conformidade co previsto nos artigos 17.3.b e 20.8.a da LXS, o texto da convocatoria reemitiráselle á BDNS para a súa publicación nela.

Vixésimo primeira. Protección de datos

Os datos persoais obtidos neste procedemento serán obxecto de tratamento pola Deputación de Pontevedra, en calidade de órgano responsable, coa finalidade de xestionar este procedemento, verificar os datos e os documentos que a persoa interesada declare na súa solicitude para comprobar a súa exactitude e levar a cabo todas as actuacións administrativas que, no seu caso, deriven.

A lexitimación para o tratamento baséase no cumprimento dunha tarefa de interese público ou no exercicio de poderes públicos segundo as normas de rango legal recollidas no apartado "Normativa aplicable", dispoñible na ficha de procedemento en <https://sede.depo.gal>.



Os datos persoais obtidos neste procedemento serán obxecto de comunicación ás administracións públicas no exercicio das súas propias competencias, ou cando sexa necesario para que a cidadanía poida acceder de forma integral á información relativa a unha materia.

As persoas interesadas poderán acceder, rectificar e suprimir os seus datos, exercer outros dereitos ou revogar o seu consentimento segundo o previsto en <https://depo.gal/proteccion-de-datos/exercicio-de-dereitos>."

Documento asinado dixitalmente"

A Comisión Informativa de Turismo, Acción Comunitaria, Impulso Rural e Medio Ambiente queda enterada do estado do expediente referido "ut supra".

4. Dar conta da reunión de persoal técnico da Estación Fitopatolóxica Areeiro con técnicos da Misión Biolóxica de Galicia, co obxectivo de programar e coordinar as actividades do proxecto "Novos enfoques para superar as limitacións actuais na xeración, propagación e conservación de xenotipos de castaño e aciñeira con tolerancia a *P. cinnamomi*" (Expediente 2025003608)

"DAR CONTA DA REUNIÓN DE PERSOAL TÉCNICO DA ESTACIÓN FITOPATOLÓXICA AREEIRO CON TÉCNICOS DA MISIÓN BIOLÓXICA DE GALICIA, CO OXECTIVO DE PROGRAMAR E COORDINAR AS ACTIVIDADES DO PROXECTO "NOVOS ENFOQUES PARA SUPERAR AS LIMITACIÓNS ACTUAIS NA XERACIÓN, PROPAGACIÓN E CONSERVACIÓN DE XENOTIPOS DE CASTAÑO E ACIÑEIRA CON TOLERANCIA A *P. CINNAMOMI*". EXPEDIENTE 2025003608

*O pasado 1 de abril celebrouse unha reunión telemática entre técnicos da Estación Fitopatolóxica Areeiro e técnicos da Misión Biolóxica de Galicia en Santiago, do Centro Superior de Investigacións Científicas (CSIC), dentro do proxecto "Novos enfoques para superar as limitacións actuais na xeración, propagación e conservación de xenotipos de castaño e aciñeira con tolerancia a *P. Cinnamomi*" dentro da convocatoria de Proxectos de Xeración de Coñecemento no marco do Plan Estatal de Investigación Científica, Técnica e de Innovación 2024-2027 (BOE 9 de decembro de 2024).*



O obxectivo principal do proxecto é comprender o papel dos xenes implicados na resposta das plantas aos patóxenos e, mediante técnicas de edición e silenciamento xénico, buscar reducir a súa expresión para aumentar a resistencia do castiñeiro e a aciñeira ás enfermidades. Ademais, probaranse novos promotores químicos da reprogramación de células vexetais e a indución de embriogénesis somática, para mellorar a propagación de xenotipos seleccionados de castiñeiro e aciñeira, así como novas estratexias para mellorar a aclimatación das plantas xeradas, como a biotización mediante a introdución de microorganismos beneficiosos que promoven o crecemento e a resistencia das plantas.

Nesta reunión coordináronse as actuacións previstas para o ano 2026 que se realizarán na Estación Fitopatolóxica Areeiro, para acadar os obxectivos do proxecto. Documento asinado dixitalmente"

Pontevedra, na data da súa sinatura electrónica"

A Comisión Informativa de Turismo, Acción Comunitaria, Impulso Rural e Medio Ambiente queda enterada do estado do expediente referido "ut supra".

5. Rogos e preguntas

Non houbo.

E non habendo máis asuntos que tratar, a presidencia da por finalizada a reunión, sendo as doce horas e quince minutos, do que, como secretaria, dou fe.

Documento asinado dixitalmente

